

**BOSNA I HERCEGOVINA
FEDERACIJA BOSNE I HERCEGOVINE
JU „Gradski Muzeji” Sarajevo
UPRAVNI ODBOR**

Broj:01-14-145/22

Datum: 05.08.2022.

Na osnovu člana 29. stav 1. Uredbe sa zakonskom snagom o ustanovama (“Službeni list RBiH” br. 6/92 i 8/93), člana 20. stav 2. Zakona o muzejskoj djelatnosti (Službene novine Kantona Sarajevo” broj 13/17) na osnovu člana 4. stav 1. Pravilnik unutrašnjoj organizaciji i sistematizaciji radnih mjesta broj 01/03-05-154-2/21 od 14.12.2021. godine i člana 30. Pravila Javne ustanove "Muzej savremene umjetnosti ARS AEVI Sarajevo" broj: 01/04-05-3827-5/18 od 18.07.2018. godine Odluke o izmjenama i dopunama Pravila Javne ustanove broj: 01/03-05-39-2/20 od 25.06.2020 i člana 8. stav 2. Odluke o osnivanju Javne ustanove "Muzej savremene umjetnosti ARS AEVI Sarajevo" (“Službene novine Kantona Sarajevo” broj 49/17) i Odluke o izmjenama i dopunama Odluke o osnivanju Javne ustanove “Muzej savremene umjetnosti ARS AEVI Sarajevo” Broj: 01-GV-02-466/20 Sarajevo, 29.04.2020. godine („Službene novine Kantona Sarajevo“, broj 19/20), Upravni odbor Javne ustanove „Gradski Muzeji“ Sarajevo, objavljuje

**KONKURS
za izbor i imenovanje direktora
Javne ustanove "Gradski Muzeji“ Sarajevo**

1. Opis pozicije direktora Javne ustanove „Gradski Muzeji“ Sarajevo:

- organizuje i rukovodi radom Muzeja;
- zastupa i predstavlja Muzej pred trećim licima;
- odgovoran je za zakonitost rada Muzeja;
- predlaže Upravnom odboru Muzeja mjere za efikasno i zakonito obavljanje djelatnosti radi kojih je Muzej osnovan;
- predlaže Upravnom odboru unutrašnju organizaciju i sistematizaciju poslova i osnovne planove rada i razvoja;
- izvršava odluke Upravnog odbora;
- odlučuje o korištenju sredstava Muzeja;
- stara se o stručnom usavršavanju zaposlenika;
- učestvuje u radu Upravnog odbora, ali bez prava glasa;
- obrazuje stručne komisije, radna tijela i slično za obradu određenih pitanja;
- odlučuje o pravima, obavezama i odgovornostima zaposlenika iz radnog odnosa;
- podnosi Upravnom odboru izvještaj o finansijskom poslovanju;
- naredbodavac je za izvršenje finansijskog plana i odgovoran je Upravnom odboru za rezultate rada i finansijskog poslovanja Muzeja;
- vrši i druge poslove u skladu sa Zakonom i Pravilima Muzeja.

2. Kandidati za imenovanje direktora treba da ispunjavaju sljedeće opšte i posebne uslove:

a) Opšti uslovi:

- da je državljanin BiH,

- da je stariji od 18 godina,
- da nije stariji od 65 godina na dan imenovanja
- da ima opštu zdravstvenu sposobnost;
- da nema privatni/finansijski interes u Muzeju
- da nije u funkciji u političkoj stranci,
- da nije osuđivan za krivično djelo i za privredni prestup nespojiv sa dužnošću direktora, 5 godina od dana pravosnažne presude uključujući vrijeme zatvorske kazne,
- da nije lice kojem je presudom suda zabranjeno obavljanje aktivnosti u nadležnosti ustanove u koju se kandiduje,

b) Posebni uslovi:

- visoka stručna sprema, VII stepen, odnosno visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 240 ECTS bodova,
- smjer društveni ili tehnički
- najmanje pet godine radnog iskustva nakon sticanja VSS, od toga tri godine na rukovodećim pozicijama
- da je istaknuti stručnjak u muzejskoj djelatnosti, naučni ili kulturni radnik,
- da se ističe organizacionim sposobnostima i društvenim radom
- da ponudi program rada i razvoja JU „Gradski Muzeji“ Sarajevo u toku predstojećeg mandatskog perioda,
- da je uspješan u obavljanju na ranijim poslovima,
- da ima sposobnost za svjesno, odlučno i odgovorno obavljanje pozicije i sposobnost nepristrasnog donošenja odluka,
- da ima komunikacijske i organizacijske sposobnosti,
- da posjeduje znanja i sposobnosti razumjevanja poslovnog izvještaja, poznavanja privrednog prava i ukupnog zakonodavstva iz nadležnosti Muzeja,
- da ima sposobnost upravljanja finansijskim i ljudskim resursima i naklonjenost timskom radu,
- da nije član upravnog ili nadzornog odbora bilo koje ustanove nezavisno od oblasti za koju je ustanova osnovana, a koja djeluje u Bosni i Hercegovini,

3. Uz prijavu na konkurs kandidati su dužni dostaviti kratku biografiju s kratkim i preciznim pregledom profesionalnih aktivnosti i radnog iskustva, te adresu i broj kontakt telefona, kao priložiti originalne dokumente ili ovjerene kopije dokumenata i to:

- ovjerenu kopiju CIPS-ove lične karte;
- uvjerenje o državljanstvu BiH, ne starije od 6 (šest) mjeseci,
- diploma o stečenom visokom obrazovanju;
- uvjerenje/potvrda o radnom stažu (izdaje raniji poslodavac ili PIO/MIO);
- uvjerenje da se protiv lica ne vodi krivični postupak (izdaje sud), ne starije od 6 mjeseci,
- uvjerenje o nekažnjavanju (izdaje MUP prema mjestu rođenja), ne starije od 6 mjeseci;
- ovjerena izjava kod nadležnog organa da kandidat nije predsjednik ili član upravnog odbora i predsjednik ili član nadzornog odbora bilo koje ustanove nezavisno od oblasti za koju je ustanova osnovana, a koja djeluje u Bosni i Hercegovini. Ukoliko je kandidat predsjednik ili član upravnog odbora i predsjednik ili član nadzornog odbora bilo koje ustanove nezavisno od oblasti za koju je ustanova osnovana priložit će ovjerenu izjavu da će u slučaju imenovanja za direktora ustanove sa danom imenovanja podnijeti ostavku i odstupiti sa pozicija predsjednika ili člana upravnog odbora i predsjednika ili člana nadzornog odbora;

- ljekarsko uvjerenje nadležne zdravstvene ustanove o opštoj zdravstvenoj sposobnosti koje nije starije od 6 (šest) mjeseci – dostavlja se lično nakon utvrđivanja liste kandidata koji zadovoljavaju uslove konkursa;
- program razvoja ustanove za period od četiri godine,
- dokaze da je istaknuti stručnjak u muzejskoj djelatnosti, naučni ili kulturni radnik
- ovjerene izjave o ispunjavanju svih uslova iz tačke 2. za stav a), alineje 5., 6. i 8.,
- preporuke

4. Direktor se imenuje na period od 4 (četiri) godine.

5. Rok za podnošenje prijava na konkurs je 10 (deset) dana od dana objavljivanja obavještenja o objavi konkursa u dnevnoj štampi Oslobođenje.

6. Kandidati koji ispunjavaju uvjete konkursa bit će obaviješteni o mjestu i vremenu obavljanja intervjua.

7. Prijave sa dokazima o ispunjavanju uvjeta, u zatvorenoj kovrti, dostaviti lično ili putem pošte na adresu: Olimpijski muzej Sarajevo, Ul. Petrakijina br. 7, 71000 Sarajevo, sa naznakom, „Ne otvarati - Konkurs za izbor i imenovanje direktora JU “Gradski Muzeji” Sarajevo

8. Tekst javnog konkursa dostupan je na web stranici www.gradskimuzeji.ba, a za sve informacije obratiti se na kontakt telefon 033/529 820

Svaki kandidat je dužan u prijavi dostaviti svojeručno potpisanu Izjavu da daje izričitu saglasnost Javnoj ustanovi „Gradski Muzeji” Sarajevo, za obradu njegovih ličnih i posebnih podataka sadržanim u dostavljenoj dokumentaciji uz prijavu na konkurs, u svrhu i na način obrade ličnih podataka na osnovu zakona ili drugog propisa, a u skladu sa Zakonom o zaštiti ličnih podataka („Službeni glasnik BiH“ br: 49/06, 76/11 i 89/11).

Npotpune i neblagovremene prijave neće se uzeti u razmatranje.

**Predsjednik Upravnog odbora
Nenad Dizdarević**

